



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt VI. Quantum aberrarit Caluinus in tertia libertatis parte
constituenda, breuiter ostenditur.

[urn:nbn:de:hbz:466:1-46059](#)

Atque huius etiam, inquit, libertatis cognitio, per quam nobis necessaria est. Quæ si aberit, nulla conscientia nostris futura est quies, nullus superstitionum finis.] Quoque magis quid sibi velit, aperiat, adiungit: [Videmus hodie plerisque inepti, qui disceptationem mouemus de libero esu carnium, de libero feriarum vestiumque usu, & similibus, ut illis quidem videtur, frivolis nugis: sed plus istis inest momenti, quam vulgo creditur. Nam ubi semel se in laqueū coniecerint conscientiæ, longum & inexorabilem labyrinthum ingrediuntur, unde non facilis postea exitus patet.] Hæc Calvinus. Vbi quantum aberret à scopo veræ libertatis, breuiter ostendemus.

CAPUT VI.

*Quantum aberrarit Calvinus in tertia libertatis parte
constituenda, breuiter ostenditur.*

PRINCIPIO autem animaduertere oportet, libertatem Christianam in hac quidem mortali vita proprie esse à peccato; non ab eo quod, quia graue sit & asperum, molestiam aliquam affert. alioqui nec pater filii, nec dominus seruis poterit quidquā quod molestum sit præscribere, ne libertatem minuat Christianā. Quocirca et si ea forent adiaphora per se se quæ præcipiuntur, nec sine onere queant obseruari, nō ideo libertati Christianæ cēsanda sunt officere. Quid enim? si pater filio, aut dominus seruo, certas in singulos dies præscribat vel fissionum vel baiulationum operas, idonee libertatem euertet Christianam? Et iamē præterquā quod labor ipse per seipsum durus est, adstringere & addictum esse oportere, haud quaquam servili molestia caret. Quod si res eiusmodi ex suo genere liberae, id est, quæ, seposito superiorum iussu, æquè & fieri possunt & omitti: tamen propter alias tem-

porarias hominum utilitates, nullo libertatis Christia-
næ detimento sub precepto veniunt; quo iure causa-
bimur libertatem imminui Christianam, si divini ho-
noris ac spiritualis utilitatis gratia, tale quiddam con-
uenienter fiat in cōsimili genere rerum? Autenim hoc
peccatur in libertatem, quod res eiusmodi ad religio-
nis ac virtutis usum referuntur: aut quod ex præscri-
pto fiant. Si prius dederint: nunquamne ergo illa erit
religionis virtutisq. gratia suscipienda? Atqui nulla tam
profligata ferè est hæresis, quæ non aliquando sibi ie-
junandum putet, aut festum diem agendum divini
cultus intuitu. Sin posterius esse dicent, quod libertas
præjudicet; quia videlicet cum recte fieri talia possint
ad Dei honorem, debeant tamen non ex præscripto
neq. statis temporibus, sed pro cuiusque arbitrio ful-
cipi: iam non attendunt domesticas se quoque poli-
tias euertere, vbi ex præscripto patris familias statu-
xaque sunt omnia. An illa forte ratio postulat, ut in
humanis rebus ordinatiora sint omnia quam in diu-
niis? quis hoc nisi profanus dixerit, divinique hono-
ris inimicus? Quā ob rem si que in humanis rebus seu
publicis seu priuatiss. recte atq. utiliter fiunt, ea, vt or-
dinatē constanterque fiant, prudenti legum ordina-
tione sanciūtur, neq. ea faciendi obligatio, quam Le-
i inducit, libertati officit Christianæ: sequitur omnino
ad libertatem Christianam minime pertinere, vt adea
quæ divini honoris religionisque gratia pie præsten-
tur, nulla publica aut priuata lege teneamur. At quis,
sogo, tam inextricabilis labyrinthus? aut qui cōficien-
tiarum laquei, si quid hīc aliquando credatur illicitū?
[Si quis, inquit, dubitare cōcepit an sibi in linteis, in-
dusiis, sudariis, mantilibus, lino vti liceat: nec de ca-
nabe postea securus erit, tandem & de stupris incideret
dubitatio. Si cui paulo delicatior cibus illicitus visus
fuerit, demum nec cibarium pānem, ac vulgaria-

edulia, tranquillus coram Deo comedet, dum in mentem venit se vilioribus adhuc cibis posse corpus sustentare. Si in suauiori vino hæsitauerit, deinde nec vapnam cum bona conscientia pace biberet. postrem nec dulciorem mundioremque aliis aquam attingere audebit. Denique eò demum veniet, ut super transuersam quod dicitur festucam incedere nefas ducat.] O labyrinthum inextricabilem. Tales Caluine phantasticos ego tibi etiam in causa curandi corporis dabo, vbi non queritur iam, quid coram Deo licitum sit, aut illicitum; sed quid valetudini conseruandæ aptius congruat. Noui Epicureos quosdam, qui eò progressi sint, dum sibi nimis accuratè præscribunt, ut de pauculis vini guttis supra mensuram transmissis, molestissimam sibi facerent questionem, non hac cura, ne Deum offendissent; verum ne valetudini tantillo excessu, parum bene consuluerint. possemque de læso eorum cerebro, similem labyrinthum non iniucundè texere. Sed idonee in curandis corporibus nullum sibi homines modum, nullos certos limites, nullas mensuras aut ciborum præfigent aut temporum, ne in talem incident melancholiæ labyrinthum? Verum tamen ut hic medici sunt, quorum ex præscripto diæta seruatur: ad quam sibi præfiniendam, non omnes sunt idonei: ita in illo priorum exercitiorum genere, quæ ad virtutis profectum suscipiuntur, ut nemo se in laqueos incautus præcipiter: præsectorum insigni prudentia tota agendi viuendiisque præscripta ratio est, ad quam infirmiores dirigantur. Quæ proinde non solum non officit Christianæ libertati, verum etiæ promouet; dum sic abducit à peccatis, quibus libero rerum usu facile humana se polluit infirmitas: ut tamen laqueos & insidias antiqui serpentis, quas nusquam non prætedit, vigilanti cura præcaueat.

CAPV